



Progetto "EU FAÉDDHU GADDHURÉSU"
finanziatu da la L. 482/1999, artt. 9 e 15 e L.R. 22/2018 – annualitai 2021



Covid-19, approvatu lu decretu-legghji 24/2022 (Decreto pal turrà abbrí 2022)

Li misuri di lu decretu-legghji, approvatu da lu Guvernu, in cunsighènzia di la agabbata di lu statu di emelgènzia, priista pal la dí 31 di malzu di lu 2022

Lu Guvernu à approvatu la dí 17 di malzu di lu 2022 à approvatu lu Decretu Legghji Misuri urgenti pal lu suparamentu di li misuri di cumbatta a la diffusioni di l'epidemia da COVID-19, in cunsighènzia a la agabbata di lu statu di emelgènzia. Lu cussì dittu "**Decreto Riapertura**", pal l'isciuta graduali da l'Emelgènzia Covid e da li misuri emelgenziali pal lu trabaddhu, li traspoliti e la 'ita sociali.

In assuntu li reguli nòi da la dí 1 di abbrili di lu 2022:

Green Pass illu trabaddhu

Finz'a la dí primma di abbrili v'è l'òbbricu di Green Pass illu trabaddhu pal tutti (saría scadutu cun la fini di l'emelgènzia)

Da la dí primma di abbrili li passoni cun dimancu di 50 anni d'etai poni intrà illu trabaddhu cun lu green pass basi, mentri chi chissi cun più di 50 anni so obbricati a vaccinassi finz'a la dí 15 di làmpata di lu 2022.

Òbbricu di vaccinu

L'òbbricu di vaccinu pal li classi obbrigati (sanitai), pal li classi di trabaddhadori pùbbrichi esposti a lu rischju di cuntagghju (Scòla, univelsitai, difesa, ecc.) e pal li chi ani più di 50 anni felma in vigori finz'a la dí 15 di làmpata di lu 2022.

Pal lu passunali sanitàriu e di li RSA l'òbbricu di vaccinu è estesu finz'a la dí 31 di natali di lu 2022.

Green Pass innantu a li traspoliti

Da la dí Primma di abbrili no v'è più l'òbbricu di aé la Ciltificazioni 'eldi innantu a li mezi pùbbrici e Green Pass basi pal li treni e l'altu mezi a longa palcurrènzia.

Veni abulitu lu Super Green Pass e torra la libbara cilculazioni illu traspoltu pùbbricu locali undi, da la dí primma di magghju no vi 'olarà più lu Green Pass nemmancu illi mezi a longa palcurrènzia.

Green Pass a l'abbaltu

In tutti i lóchi fora, pal chissu ancora illi taulini di bar e ristoranti, da la dí Primma di abbrili no v'è più l'òbbricu di Green Pass e podarani turrà a la capacitai di lu 100%.

Illi casi di aggrumu comu indrentu a li campi o illi cuncelti, v'è l'òbbricu di Green Pass sémplici, o sia ancora da tamponi.

Da la dí Primma di abbrili no sarà più rinchestu lu green pass pal negozi, uffici pùbbrichi e priati, posti e banchi.

Green Pass a lu chjusu

Illi lóchi chjusi, chi cun l'eccezioni subbra discritti (li mezi pùbbrichi, li negozi); felma l'òbbricu di green pass finz'a la dí Primma di magghju.

Ettandu, lu Green Pass, a lu chjusu felma obligatòriu pal lu mesi d'abbrili pal esempiu illu casi sighenti: mensi, cuncursi, corsi di fulmazioni pùbbrichi e priati.

N.B. lu Super Green Pass felma obligatòriu, come pal esempiu a lu chjusu illi ristoranti, illi centri benessere o pal palticipà a cungressi o cunveggni.

Mascarini

Felmai obligtori a lu chjusu finz'a la dí 30 di abbrili, mentri da la dí Primma di magghju dicadini tutti li ristrizioni.

In abbrili continuani a applicassi li reguli d'abali, cumpresi chissi chi in celti cuntesti priidini l'usu di li dispositivi Ffp2 (mezi di traspoltu pùbbrichi, cinema e teatri).

Scóla

Pal centu rigalda la scóla lu decretu privedi misuri nói in meritu a la gistioni di casi di positivitai

Scóli di l'infànzia – Silvizi educativi pal l'infànzia

In prisènza di a lu mancu cattu casi tra li studianti illa mattessi sizioni/gruppu classe, l'attivitai continuani in prisènza e mastri, educadoi e steddhi chi agghjini supiratu li sei anni d'etai ai di trattà li mascarini FFP2 pal deci dí da l'ultimu cuntattu cun un suggjettu positivu. In casu di cumparizioni di sintomi e, siddhu ancora sintomatichi, a la cuita dí dapoi di l'ultimu cuntattu, anda fattu un test antigénicu rapidu o molecolari o un test antigénicu fattu in casa cun appositu kit. In chist'ultimu casu l'esitu negativu di l test è attistatu cun autociltificazioni.

Scóli elementari, medi, supiriori e sistema di fulmazioni e fulmazioni professionali

In prisènza di a lu mancu cattu casi di positivitai tra li sculani, l'attivitai continuani in prisènza e pal li mastri e pal li sculani chi agghjini supiratu li sei anni d'etai è priistu l'usu di mascarini FFP2 pal deci dí da l'ultimu cuntattu cun un suggjettu positivu. In casu di cumparizioni di sintomi, e siddhu ancora sintomatici, a la cuinta dí dapoi di l'ultimu cuntattu, anda fattu un test antigénicu rapidu o molecolari oppure fattu in casa cun l'appositu kit (in chistu casu è autociltificatu).

L'isulamentu

Li sculani di li scóli elementari, medi, supiriori e di lu sistema di fulmazioni e fulmazioni professionali, in isulamentu pal infizioni da Covid, poni sighí l'attivitai di la scóla in modalitai di didattica digitali agghjunta accumpagnata da spificica ciltificazioni di lu duttori

chi attesta le condizioni di salute di lu sculanu. Pal turrà in classi bisogna aè un test antigenicu rapidu o molecolari cun esitu negativu